

*S*ein andächtiges
Neues Creütz gesang / Von
dem Jüngsten gericht/vnd den Hayli-
gen 7. Werken der Christlichen Barmherzig-
keit/Nemlich/ was alle die so das gut gewirckt/
für einen Herrlichen lohn / die andern aber/ die
Sündt liebende schwere straff/vnnd ewige
pein/durch das strenge vrthail Chri-
stij zu erwarden haben.

A.D.

BIRL. UNIV.
MONAC.

Nota.

Göttlicher Hayligster Dreyfaltig-
keit/zu Lob vnd Eh: / Auch gemainer Christenlichen
Brüderschafft in vnser lieben Frauwen Thumdstüfft in
Augspurg/ ic. Vnd allen Kirch oder Maalfärtter zu
nug vnd güttem/Durch ainem Catholischen Pis-
tern gemacht/vnd in den Truck geben.

In seiner aygenen Melodey / oder wie
man von Kayssern Friderichs/ Hörkugs Liede/
zum Hayligen Lande singt/ ic. Anno Do-
mini 1588. Jar.




P 13


Die Melodey ein Trippel zusingen.

O mensch gedenck an den Jüngsten
tag/daran würd sein ein grosse Klag/von gan-
gem menschlichem geschlechte ja gschlechte wen
Christus in den wolcken daher wirdt kommen/die
Sünden zu rechen/ Ja rechen.


Aliter ohn ein Trippel.



O Mensch gedenk allzeit an den Jüngsten tag/




da ran wirdt sein ein gros se flag/



Von dem ganzen menschlichen gschlechte Za



geschlechte/Wan Christus in den wolcken daher



Wirdt kommen/die Sünden zu re



chen Za recken.

1.

Mensch gedenck an Jüngsten tag/
Daran man hören wirdt grosse flag.
Vom ganzen Menschliche geschlechte/geschlecha
Wenn Christus in den Wolken daher/ (te)
Wirdt kommen die Sünden zu rechen/ zurechen.

2.

Volg O Mensch desz weyssen Mans rath/
Der durch den Gayst gesprochen hat.
Bedenck deiner letsten ding eben/gar eben/
So wirstu dich in ewigkeit/
In kein Sünd nimmermehr geben/begeben.

3.

Der Catholisch Glaub hält vns klärlich für/
Der letsten dingen seyen vier.
Das wir erstlich müessen allsterben/ absterben/
Durchs Gricht die ewige Seligkeit/
Odi Höllische pein müessen erben/ ererben.

4.

All Menschen müessen durchaus in Gmain/
Sy seyen Reich/ Arm groß oder klein/
Vor disem Gericht selbst erscheinen: Erscheinen.
End

Vnd nach Gottlicher gerechtigkeit/
Das lebst vorthail nemen eine/ ja eine.

5.

Daselbst werden sy empfahen den lohn/
Den Gott der Herr irdt geben thon.
Den bösen so wol/ alsz den frommen/ den frommen/
Wann Christus wirdt mit grossem gewalt.
In Herrlichkeit her zukommen/ herkommen.

6.

Da wirdt schallen die erschrocklich Pusau/
Die all Todten wirdt haissen auff stahn.
Vnd Christi vorthail da erwardten/ erwardten/
Welcher mit grossem eyfferigen zorn/
All Sünd wirdt straffen gar hardte/ gar hardte.

7.

Zugleich werden all Menschen auff stahn/
Ein groß verwunderen darab han.
Wie doch der Welt sey geschehen/ geschehen/
Da werden sy mit grosser krafft/
Den Son Gottes kommen sehen/kommen schen.

8.

Mit den außer wöltten Engeln sein/

Und Maria der Jungfraw rāin.
Mit seinen zwölffpoten merck eben/ gar eben/
So bissēn werden das Jungst gericht/
Als die Eſchrifft zeugniß thüt geben/thüt gebe.

9.

Als dann wirdt Jesus Gottes Son/
Seinen Englen befelchen thün.
Die guten von bōsen zuschayden/abschayden/
Die frommen zu der gerechten hand/
Die bōsen zur lingken beschayden/hinschayden.

10.

Die verdampten werden all iß gmein/
Vnder jnen sehen die Höllische pein.
Ob jnen den Göttlichen zoren/ ja zoren/
Vndneben jnen die Höllische hund/
Müessen sein ewig verlohren/verlohren.

11.

Christus sagt auff die rechten Seyten/
Nun kompt her iſhr gebenedachten.
Emp fachet die ewige Krone/die Krone/
So euch von ewigkeit beraith/
Aus gnad zu billichem lohne/zulohne.

12.

I Ich war hungerig/vnd iſt habe mich gespeißt/
Barmherzigkeit an mir beweist.
Die tugend thet iſt all yeben/ ja yeben/
Hiemit gehalten meine gebot.
Vnd mich über als thün lieben/thün lieben.

13.

I Alsdann werden die Götteligen sehen/
Herr wa han wir dich hungerig geschen.
Das wir dich mügen spenßen/ja spenßen/
Odr wa biftu im Elend gewesen/
Das wir dir güts solten wenßen/bewenßen.

14.

I Wie haben wirs Herr mügen verdienien/
Das du vns Herrlich wilt Krönen.
Mit ewigem Himmelreiche/Himmelreichel/
Alsdann wird Christus vñser Herr/
Zu jn sprechen miltigfleichen/miltigfliche.

15.

I Was iſt den gerigsten Armen habt hon/
Dasselbig hab ich genommen an.
Alß seye es mir ſelbst geschechen/geschechen/

A uij Gcht

Geht hin ins ewig Himmelreich/
Drauff wirdt er zornig ansehen/ansehen.

16.

Die verdambten/ vnd wirdt sy reden an/
Geht ihr verfluchten weit hindan.
Ins Höllisch jimmehr werende Fewer/vngeheirte
So dem Teuffel ist ewig bereit/
Das sey Ewer ewige stewre/ außstewre.

17.

Mich hat gehungert/ vnd ihr habe mich nit ges
Barmherzigkeit mir niemals beweist. (speiss
Meine gebot thettend ihr schänden/ja schänden
Darzu das bitere leyden mein/
Mit Ewern grawsamen Sünden/ja Sünden

18.

Also das mein unschuldigster Todt/
An euch gar nicht gewürcket hat.
Weil ihr euch nit wollen bekeren/bekerent/
Vnd würcken ware rew vnd büß/
Nach meiner hailsamen lehren/ja lehren.

19.

Darumb seyt ihr ewiglich verlohn/
Vnd bleibt in meinem ewigen zorn.

Das

Darinn müessendt iſhr verderben/ verd erben/
Vnd leyden die vnauff hörliche pein/
Vnd kündt doch nummehr ersterben/ ja erst erben.

20.

¶ Maria Gottes Mütter fiel auff die Knie/
Vnd bat iſhrn lieben Son allhie.
Sy bat jn mit herzlichen trewen/ mit trewen/
O Sone liebster Sone mein/
Lafß dich die Sünder gerewen/ gerewen.

21.

Liebste Mütter diſt kan gar nit gesein/
Sy haben veracht den willen mein.
Mein gebot haben sy gebrochen/ gebrochen.
Begangen grosse Sünd vnd schand/
Die solln nit bleiben vngerochen/ vngerochen.

22.

O Herr Jesu liebsier Sone mein/
Erzaige iſhn doch die gnade dein.
Halt doch mit deinem zoren stille/halt stille/
Wenn es aber nit anders kan sein/
So geschech dein gerechter will/e dein will/e.

23.

Liebste Mütter das kan ich nit thon/
Die gerechtigkeit müſt fordigang hon.

A v Dic

Die gnaden zeyt ist vergangen/ vergangen/
Jetzt soll ain jeder der billichkait nach/
Den verdienten lohn entsfahen/ entsfahen.

24.

Als Christus fält das vrchail zustund/
Da kamen vil der Höllischen hund/
Die sy von dannen thetten treiben/ vertreiben/
Zu der Höllischen Marter vnd pein/
Darinn sy ewig bleiben/ ja bleiben.

25.

Allsdann nimbt Christus die Haylige sein/
Vnd fürts zum ewigen Leben ein.
Sekt sy auff die Himelische Throne/ gar schone/
Vnd sezt ain jeden auff sein Haube/
Nach seim verdiensten ain Krone/ ain Krone.

26

Jetzt bitten wir dich Herr Jesu Christ/
Der du für vns gestorben bist.
Wölst vns nit lassen verderben/ verderben/
In vnseren Sünden vnd müsstethat/
Dhn beycht vnd lass nit ersterben/ ersterben.

27.

Sonder dein gnad gib vns lieber Herr/

Das

Das wir all unsere Sünden schwer.
Bekennen vnd würdiglich biessen/ abbiessen/
Entfahen die Hayligen Sacrament/
Deins bitern leydens geniessen/ geniessen.

28.

Gib gnadt das wir vnser Lebtagen/
Das Jüngst gericht vor Augen haben.
Darmit wir zun leksten stunden/ allstunden/
Als trewe Knecht auff ihren Herren/
Veraith vnd wachend gfunden / erfunden.

29.

Das du zu uns kündst sprechen recht/
Kompt her zu mir ihr trewe Knecht/
Über vil güt will ich euch sezen/euch sezen/
Weil ihr im wenigsten trew gewesen/
Solchs in höchster frewden ergehen/ ergehen.

S I N I S.



Ein Newes Lob gesang/ von
Maria der Mutter Gottes/ inn
der Meloden/ Maria zart von
Edler arch.

1.

Maria Frau hilf dz ich schaw/
dein Kind an meinem Ende/
schick meiner Seele Sanct Michael/
das er die fur behende/ ins Himmelreich/
da all geleich/ die Engel frölich singen/
ihr Stim thut Herrlich klingen/ Hay=
lig/Haylig/Haylig bist du O starckher
Gott/ von Sabaoth regierest gwal=
tiglichen/ dann hat ein end/ all mein
Ellend/vnd frew mich ewiglichen.

2.

Maria wert/ so mein Seel kör/ von
diser Erdt müß schaiden/ so kom zu mir/
beschirm mich schyer / das mich nichts
thü belaiden/ der falsch Sattan/ wenn
ich nit kan/ sein Teuffelisch list erkennen/
wirff

wirff vmb mich baldt / deins Mantels
falte / vnd so dein Kind / mich richt ge=
schwind / zaig fram dein Hertz vnd
Brüste / dein Son Jesu / sprich / gib mir
du / dem Sünder ewige friste.

3.

Maria güt / Du bist die Glüt / des
brinende busch zware / den Mosis sach
jm aber nichts gschach / blüb vnuerseh=
ret gare / Du bist die güt Aronis Rüth /
vonder ich sind geschryben / ganz dürr
vn doch geblüben fast wunderlich / vnd
thüig doch gleich / schön Blüest vnd
frucht / darzu vilzucht / deins keyschens
Leibes raine / blüb vnuersehrt / als vns
das lehrt / die Haylig gschrifft gemaine.

4.

Maria sieß / hilff das ich bieß / mein
Sünd auß diser Erden / darmit ich
bald / nach Todtes fall / thailhaftig
müge werden / der frewden groß / inn

Abra-

Abrahamschöß/die GOT den seinen
will geben / dort im ewigen Leben / ge-
denkt daran/Jungfrau ich man/das
Gott durch dich / hat wunderlich/ den
Himmel aufgeschlossen/O Edler schrein/
der gnaden dein/die Sünder haben ge-
nossen.

5.

Maria güt/wend in vnmüt/der Vat-
ter von mir wendet/ so bit das vor/ der
Son schickt dar sein Seyten / füß vnd
händ / dann mag nit sehr / der Vatter
mehr/ mir strenges vrthail sprechen/der
haylig Gayst / der gnaden Gayst / liebt
gütigkeit/Erst würdt beraich/Gott zu
gänglicher güt/ also werd ich/ sä-
lig durch dich / mich vor der
Höll behüete/Amen.

Gedruckt zu Augspurg / bey Josias
Wöhly/ bey dem hayligen Creuz/ hinder
dem Predighaus/in S: Othmars
Gassen/im Jar 1538.

